

Poziv za učešće na konferenciji: "Put ka oporavku: Uticaj kreativnih industrija na ekonomski razvoj BiH"

Poštovani,

Zadovoljstvo nam je pozvati Vas na konferenciju **"Put ka oporavku: Uticaj kreativnih industrija na ekonomski razvoj BiH"**

Kreativne industrije postaju sve važniji izvor rasta i inovacija u ekonomskoj, društvenoj i političkoj regeneraciji društva. Ako uporedimo poziciju kreativne ekonomije u Bosni i Hercegovini sa EU zemljama, u kojima su kreativne industrije u višoj fazi razvoja, možemo zaključiti da su kod nas njeni potencijali još uvijek neistraženi, a da su određeni procesi bez jasno zacrtane strategije i plana rada.

Treba imati u vidu da u ekonomijama EU zemalja, kreativne industrije predstavljaju generatore ekonomskog rasta, zaposlenosti i inovacijske politike. One zapošljavaju oko 5,8 miliona ljudi i učestvuju sa 3% u stvaranju EU bruto domaćeg proizvoda, te su izvor novih ideja čime se povećavaju inovacijski potencijali nacionalnih privreda članica EU.

Da bi otvorio dijalog o koherentnijem i strateškom pristupu bh. kreativnim industrijama, CPU organizuje konferenciju **„Put ka oporavku: Uticaj kreativnih industrija na ekonomski razvoj BiH“**, koja će se održati u **srijedu, 23.10.2013.godine, sa početkom u 10:00**, Kino Meeting Point.

Program konferencije će se fokusirati na aktuelni pregled stanja u kreativnim industrijama Bosne i Hercegovine, demistificirati nove i drugačije trendove u ovom ekonomskom sektoru i razmotriti kreativni kapital u BiH. Nadalje, kroz module i diskusije će se razgovarati o razlici između kreativnih i kulturnih industrija, kao i poziciji kulturnih djelatnika u sistemu zapošljavanja i mogućnosti mobilnosti na EU tržištu, te potencijalima izvoza kreativnih proizvoda na EU tržišta. Dostizanje EU standarda na polju autorskih prava u cilju dalje distribucije kreativnih proizvoda i primjena, također će biti u fokusu diskusije.

Molimo Vas da svoj dolazak potvrdite najkasnije do 21.10.2013. godine, putem e-maila info@cpu.org.ba. U prilogu Vam dostavljamo dnevni red konferencije, a za sve dodatne informacije molimo Vas da nas kontaktirate.

Srdačan pozdrav,

Asja Čengić
Izvršna direktorica
Centar za politike i upravljanje (CPU)

DNEVNI RED: 23.10.2013. od 10:00 do 17:00

lokacija: Velika sala kino Meeting Point, Hamdije Kreševljakovića 13, Sarajevo

9:00 – 10:00 Registracija učesnika

10:00 – 10:05 Otvaranje konferencije

MODUL I – KREATIVNA INDUSTRIJA – MIT I STVARNOSTI

10:05 – 10:30 Pregled stanja u kreativnim industrijama BiH, Hristina Mikić, izvršna direktorica GKE i autorica Izvještaja “Kreativne industrije u Bosni i Hercegovini: Mogućnosti i perspektive razvoja” iz avgusta 2013. godine

10:30 – 11:05 Diskusija

11:05 – 11:20 Kafe pauza

MODUL II – PREGLED I STANJE KULTURNIH I KREATIVNIH INDUSTRIJA I VODEĆI SVJETSKI IZVOZNICI

11:20 – 11:45 Potencijali izvoza kreativnih proizvoda na EU tržište, Sanja Petek Mujačić, izvršna direktorica agencije Bruketa&Žinić OM

11:45 – 12:20 Diskusija

12:20 – 13:15 Ručak na lokaciji

MODUL III – Kreativni kapital u BiH - POZICIJA KULTURNIH DJELATNIKA

13:15 – 13:40 Pozicija kulturnih djelatnika u sistemu zapošljavanja i mogućnosti mobilnosti na tržište EU, Hazim Begagić, direktor Bosanskog narodno pozorište Zenica

13:40 – 14:15 Diskusija

14:15 – 14:30 Kafe pauza

MODUL IV PRIMJENA EU ZAKONA O INTELEKTUALNOJ SVOJINI-PRAVNI OKVIR I PRAKSE

14:30 – 14:55 Pravni poredak Evropske unije koji na jedinstven način štiti prava intelektualne svojine predstavlja temelj kreativnosti i inovativnosti. Kristina Delfin Kanceljak, odvjetnica i ekspert za zakone intelektualne svojine

14:55- 15:35 Diskusija

15:35-16:00 Dostizanje EU standarda na polju autorskih prava i distribucije kreativnih proizvoda, studija slučaja: Hrvatska Ozren Kanceljak, direktor o.k. Communication consulting

16:00 – 16:40 Diskusija

16:40 – 17:00 Debata predavača - Zaključci i zatvaranje konferencija

Moderatorica konferencije: Asja Čengić, izvršna direktorica Centar za politike i upravljanje

Obezbijeden je simultani prijevod sa bh/s na engleski jezik i obratno.

Konferencija je realizovana unutar CPU programa „Put ka oporavku“ koji finansira:



Rad Centra za politike i upravljanje, u okviru razvoja politika djelovanja, podržava:

